

# LA QUOTIDIANA

FMR Fundaziun Medias Rumantschas, Via da Masans 2, 7000 Cuirra, 081 544 89 11, redacziun@fmr.ch



## Ils farguns èn restads pli savens en garascha

Quest enviern ha mancà la naiv – uschia che las interpresas che fan ora la naiv han gì pli pauca lavur. [Pagina 8](#)



## Da Castrisch e Sevgein enturn il mund

La scola primara Castrisch/Sevgein ha envidà ad in impressiunant teater musical. [Pagina 5](#)

FMR FUNDAZIUN MEDIAS RUMANTSCHAS



### SURSELVA

## Treppa ei buca hutlas

Quella tratga s'aida tier la cuschina tradiziunala. Igl ei denton buc enzatgei che tuts han da principi bugen – sco per exempel bizochels. «Ils ins han fatg bugen e spetgan vess ch'ei dat puspei inagada treppa. Ils auters han da principi buca bugen ella», di Yvonne Monn. L'ustiera dalla Cruna a Sumvirg ha envidau dumengia ad ina pintga fiasta. En tut ha ella retschiert 62 empuzaziuns pil gentar. Dapi tschun onns eis ella ustiera e cuschiniera. Igl ei tipic per ella da cuschinara sco quei ch'ella cuschina per sia famiglia ed a casa. Aschia ha ella entschiet ina gada e fatg treppa. Dapi lu spetgan ils amatur da quella delicatessa vess sigl invit. 'Treppa ei buca «cutlas», ni hutlas, sco ils Sursilvans numnan ella. Ina tratga da carn eis ei. Mo da tgeinina tradescha il rapport dalla visceta ella cuschina dalla Cruna. (fmr/abc) [Pagina 5](#)

### ENGIADINA

## Üna vita cun bgers chapitels



Romedi Arquint festagia hoz sieu 80avel anniversari. MAYK WENDT

Hoz avant 80 ans es naschieu *Romedi Arquint*. In quists och decennis ho el scrit üna istorgia da vita cun bgers chapitels e staziuns. Cumanzo vaiva tuot cun ün stüdi da teologia, ma zieva duos ans e mez scu ravarenda a Bivio, ho'l desdit la plazza sülla chanzla. Zieva ün cuort intermezzo scu magister da religiun in Engiadina, ho'l surpiglio dal 1975 il presidi da la Lia Rumantscha. Dal 1983 ho'l bannu il Grischun in direziun Berna ed ho surpiglio l'incumbenza scu prüm rapreschantant in l'Uffizi da cultura federel pel romauntsch e las linguas minoritarias in Svizra. Principi dals ans 1990 ho'l desdit quella plazza ed es sto düraunt 12 ans a visiter quasi tuot ils anterius pajais sovietics. Insembel cun experts ho'l do seminars davart democrazia e minoriteds. Parallel ho cumanzo sieu ingaschamaint politic sün livel chantunel e cumünel. «Cun 70 ans d'heja decis da schmetter. Zieva ho cumanzo ün chapitel in mia vita, ch'eu nu vess cret ch'el fuss pussibel: da scriver», disch Romedi Arquint. La FMR ho discurreu cul giubiler e do ün sguard inavous stils 80 ans da Romedi Arquint. (fmr/cam) [Pagina 7](#)

### SURSELVA

## La cuorsa da Beni, la pli populara

Sonda ei buca stau gest la meglia aura dad ir cun skis. Tschaghera e bischa han buc animau dad ir sin pista. Quei ha buca frenau 537 skiunzas e skiunzs da tschun tochen 85 onns da separicipar alla 34avela cuorsa Beni's Super-G sil Crap Sogn Gion. *Beni Cathomas* ha organisau quella l'emprema gada gl'onn 1988 sil glatscher dil Vorab. Lu haveva ei aunc il matg avunda neiv per metter in percuors ella disciplina denter cuorsa rapida e slalom gigant. In onn avon haveva la FIS introduciu ufficialmeins super-G sco disciplina enteifer ski alpin. Beni's Super-G ei oz la cuorsa populara la pli gronda dil Grischun. (fmr/abc) [Pagina 6](#)

# La reflexiun per dapli inclusiun

En ils eglers da *Silvio Derungs* sa reflectescha la sala dal Cussegl nazional. Silvio Derungs da Dardin è tschorv ed è stà quest venderdi passà a Berna in dals 44 parlamentararis da la sessiun per persunas cun impediment. Quella sessiun è vegnida organisada da l'instituziun Pro Infirmis sin iniziativa era dad in auter Sursilvan, numnadamain da *Martin Candinas*. Silvio Derungs e ses 43 collegas parlamentars han debattà vivamain quest venderdi e deliberà a la fin ina resoluziun, cun la quala els gjavischan dapli inclusiun, participaziun e represchentaziun politica da e per persunas cun impediments. (fmr/rtr/dat) [Pagina 3](#)



FOTO KEYSTONE/ANTHONY ANEX

«La noscha lingua è gia ina lingua minoritara.»

Questa frasa ha insatgi ristgà da scriver en questa gasetta rumantscha, e quai anc cun in «nausch» sbagl linguistic! – [Pagina 12](#)

# Tegnair chauras daventa pli attractiv

L'allevament da chauras sa sviluppa bain en il chantun Grischun. Puras e purs tegnan adina dapli chauras, sco ch'ìl gestiunari dals allevaturis chantunals conferma. I dat però era allevaturis ch'èn unfis – pervi dal luf.

MARTIN GABRIEL/FMR

Era a l'exposiziun Grimavera da quests davos dis èn ellas stadas in'attracziun per pitschen e grond – las chauras cun lur ansels. L'onn 2022 han ins registrà 1633 chauras en ils cudeschs d'allevament dal chantun Grischun. Quai èn 74 chauras dapli che l'onn 2021. Actualmain s'augmenta damai il dumber da chauras en il chantun Grischun. Ils products da la chaura èn pli dumandads che anc avant 10 onns. Ad interim è la vendita dals ansels organisada bain. Ils pretschs per ansels èn pli auts en il temp da Pasca che durant l'ulteriura part da l'onn.

«I tanscha. Blers purs che han pers chauras, han avunda e bittan la fautsch en il chanv.»

Stefan Geissmann, gestiunari da l'Associaziun chantunala da las allevaturas ed allevaturis da chauras

### Birocrazia e luf

Quels svilups e quellas cifras conferma ed explitga *Stefan Geissmann*, il gestiunari da l'Associaziun chantunala da las allevaturas ed allevaturis da chauras e cussegliader chantunel da remagliers pitschens. Ma el renda era attent a las grondas sfidas actualas per l'allevament da chauras. Tenor el èn quai las pretensiuns birocraticas ed il luf. Gist pertugant quel animal da rapina manegia *Stefan Geissmann*: «I tanscha. Blers purs che han pers chauras e ston suenter tadlar tut tge ch'els hajan fatg fauss, han avunda e bittan la fautsch en il chanv.» (fmr) [Pagina 2](#)



Servetsch d'abunents e da distribuziun: tel. 0844 226 226 mail: abo@somedia.ch